

AFC Hochpustertal - ACD Val Badia

Inviato da Jonas

Ultimo aggiornamento lunedì 08 agosto 2022

Domènia, 22. mà 2022

La fortüna ne á nia daidé

Te n domisdé bun cialt él gnü soghé la partida de campionat danter l' AFC Hochpustertal y l' ACD Val Badia.

Te na domènia dër buna cialda cun val nio él gnü soghé la partida de campionat de 2^a categoria danter l' AFC

Hochpustertal y l' ACD Val Badia. Na partida dër intensiva y combatüda cina la fin olache l' ACD Val Badia és magari incé merité deplü.

La partida mèt man cun la pröma ocasiun al 4^a canche n sogadú aversar röva ala trata püch dan porta, mo Frenademetz para l' palé cun n gran intervënt. Al 8^a él l' Hochpustertal che ciafa ciamó na poscibilité cun na bela trata da fora de area, olache Frenademetz è arjigné ca y para. L' palé röva spo sön i pisc de n ater sogadú aversar che tira atira cuntra porta. Fersuoch prô ciamó da salvé i ladins dal 1-0, mo al ne ti è nia y fej lapro ciamó n autogol. Al 20^a él spo incé la Val Badia che á la pröma ocasiun dla partida cun Del Negro che prô da fá rové n cross t' area, mo l' palé vëgn devié y ti röva indô söi pisc a Del Negro. Chësc prô atira la trata y ara ti garetà dër. L' palé vá cun na gran velocitè cuntra porta y vá a sbaté cuntra la traversa. Al 31^a él Pizzinini L. che prô la trata bassa da dalunc, mo l' portier ti è da paré cun n bel intervënt. 5 menüc dedô, al 36^a, ti è spo la Val Badia, dô n gröm de tentatifs, da se porté sön l' 1-1. Pizzinini ciafá l' palé, driblëia l' defensur aversar cun n beliscimo tunel y pëia ia cuntra porta. Canché al röva dan l' portier lascl pié ia na bela trata diagonala bassa olaché l' portier pó ma plü se oje y cöie sö l' palé. Sëgn è la partida indô ecuilibrada. Al 40^a él indô l' Hochpustertal che atachëia cun n cross che röva te area olaché l' atacant aversar l' abina y prô la trata. La pücia prezijiun á fat jí l' palé sura porta fora. Chësta è incé l' ultima aziun dl' pröm tēmp che se röva al 45^a sënza recuper.

L' secundo tēmp mèt man cun püces y degönes ocajiuns y l' publich dla partida mëss aspeté l' 64^a por udëi la pröma ocasiun. Sön na trata dl' Hochpustertal él l' palé che vëgn devié y röva trës söi pisc de n sogadú todësch. Chësc tol la mira, lascia pié ia la trata y fej n bel gol cun na trata diagonala bassa che ne ti lascia degöna poscibilité a Frenademetz. 2-1 por la squadra da Puster. Al 71^a él spo l' Hochpustertal che röva cinamai sön l' 3-1. Dô n bel cross te area ladina da pert di todësc él n atacant che vëgn lascé massa sú dala defenjiun ladina y pó tranquilamēter mēte l' palé te porta cun na bela trata de cé. Incé Frenademetz á udü massa tert l' palé y ne á plü podü fá nia por salvé la Val Badia dal terzo gol. Al 79^a él indô l' Hochpustertal che atachëia la porta ladina cun n sogadú che pëia ia cun na gran velocitè sön la fascia laterala dl campo, se tira ité pert cuntra porta y lascia pié na gran trata che vá de dër püch dlungia porta ia. Tröc â bel odü l' palé te porta. Al 93^a él ciamó l' Hochpustertal che á l' ultima poscibilité dla partida cun na bela trata de pröma che vá dlungia porta ia. Y insciö él incé la partida che se röva al 97^a, dô 7 menüc de recuper, cun l' resultat de 3-1 por l' AFC Hochpustertal. Al è sté na partida interessanta y combatüda cina al' ultim menüt cun na bela prestaziun dla squadra ladina che á porvé da rosedé le resultat cina al ultim menüt. La Val Badia á incé albü tröpa sfortüna te chësta partida cun na traversa y n autogol.

AFC Hochpustertal - ACD Val Badia: 3 - 1

Formaziun ACD Val Badia: 1. Frenademetz Denis, 2. Conrater Heinrich, 3. Kastlunger Mattia, 4. Ploner Alexander, 5. Fersuoch Kevin, 6. Ploner Matteo, 7. Mayr Marc (dal 69^a 15. Mersa Elia), 8. Stampfer Alex, 9. Pizzinini Luca, 10. Del Negro Roberto, 11. Dallapiazza Simone (dal 63^a 16. Pizzinini David).

Alenadú: Crepez Gianni.

Proscima partida: La proscima partida vëgn sogada in domènia, ai 29 de má, dales 16:00 cuntra l' Pfalzen sön l' ciamp dal palé "Pradel" a San Martin de Tor.